



Umhverfis- og samgöngunefnd Alþingis

Sent með tölvupósti.
Reykjavík, 18. mars 2021


Efni: Umsögn Bændasamtaka Íslands um 319. mál

Tilv. 202103-0008

Vísað er til umsagnarbeiðni í tölvupósti frá nefndasviði alþingis, dags. 4. mars 2021, þar sem óskað var umsagnar Bændasamtaka Íslands um tillögu til þingsályktunar um uppgræðslu lands og ræktun túna 319. mál (þingskjal 359 - 151. löggjafarþing).

Bændasamtök Íslands hafa farið yfir efni tillögunnar og telja jákvætt að málið sé fram komið. Bent skal á að í ljósi þeirra ríku almannahagsmuna sem séu að veði í loftslagsmálum sé mikilvægt að hvatakerfi séu til staðar til að styðja við uppgræðslu lands. Hagrænir hvatar hafa verið nýttir með góðum árangri til að styðja við orkuskipti í samgöngum og þeim má beita víðar. Lögð er rík áhersla á að fulltrúar bænda fái aðkomu að vinnu að gerð slíkra tillagna.

Virðingarfyllst
f.h. Bændasamtaka Íslands



Guðrún Vaka Steingrimsdóttir



Umhverfis- og samgöngunefnd
Skrifstofa Alþingis, nefndasvið
150 Reykjavík

Gunnarsholti, 16. mars 2021

Efni: Umsögn um tillögu til þingsályktunar um uppgræðslu lands og ræktun túna, 319. mál.

Þann 4. mars sl. barst Landgræðslunni rafpóstur frá umhverfis- og samgöngunefnd Alþingis. Meðfylgjandi rafpósti þeim var tillaga til þingsályktunar um uppgræðslu lands og ræktun túna, 319. mál. Óskað var umsagnar Landgræðslunnar og til þess veittur frestur til 18. mars.

Landgræðslan starfar á grundvelli laga nr. 155/2018 en markmið þeirra laga er skv. 1. gr. að vernda, endurheimta og bæta þær auðlindir þjóðarinnar sem fólgnar eru í gróðri og jarðvegi og tryggja sjálfbæra nýtingu lands. Ennfremur ber að vinna að því að nýting taki mið af ástandi lands, stöðva eyðingu og komast hjá spjöllum á gróðri og jarðvegi, auka kolefnisbindingu, byggja upp, endurheimta og auka viðnámsþrótt og þanþol vistkerfa gagnvart áföllum og náttúruvá o.fl.

Sú þingsályktun sem hér liggur fyrir var áður lögð fram á 149. þingi, 397. mál, en hlaut þar ekki afgreiðslu. Landgræðslan sendi nefndasviði umsögn sína um málið, sjá innsenda umsögn dags. 18. mars 2019.¹ Landgræðslan ítrekar hér þá fyrri umsögn stofnunarinnar.

Virðingarfyllt,
f.h. Landgræðslunnar

Birkir Snær Fannarsson,
lögmaður.

¹ <https://www.althingi.is/alttext/erindi/149/149-4724.pdf>